

ხელშეკრულება სახელმწიფო შესყიდვის შესახებ

N C-061703

წინამდებარე ხელშეკრულება იდება შპს „საქართველოს გაერთიანებული წყალმომარაგების კომპანიის“ მიერ 2013 წლის 5 ივნისს გამოცხადებული N806 კონკურსის საფუძველზე.

ქ. თბილისი

17.06.2013

ერთის მხრივ შპს „საქართველოს გაერთიანებული წყალმომარაგების კომპანია“ (შემდგომში „შესყიდველი“) წარმოდგენილი მისი დირექტორის არჩილ ცაბუტაშვილის სახით და მეორეს მხრივ, სს „ხურო“ (შემდგომში „მიმწოდებელი“) წარმოდგენილი მისი დირექტორის დავით მელქაძის მიერ, „სახელმწიფო შესყიდვების შესახებ“ საქართველოს კანონისა და პრეტენდენტის საკონკურსო წინადადების საფუძველზე, კონკურსის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. გამოყენებული ტერმინების განმარტებები

- ხელშეკრულებაში გამოყენებულ ტერმინებს აქვთ შემდეგი მნიშვნელობა:
- 1.1 „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - შემსყიდველ ორგანიზაციასა და კონკურსში გამარჯვებულ კონკურსანტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაცით, რომლებზეც ხელშეკრულებაში არის მინიშნებები.
 - 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
 - 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
 - 1.4 „მიმწოდებელი“ ნიშნავს პირს, რომელმაც მოიპოვა გამარჯვება კონკურსში და გაუწევს მომსახურებას სახელმწიფო შესყიდვის შესახებ მოცემული ხელშეკრულების ფარგლებში;
 - 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. ხელშეკრულების საგანი

- 2.1 წინამდებარე ხელშეკრულების საგანს წარმოადგენს შემსყიდველისათვის ქ. აბაშის წყალმომარაგების სისტემის სრული რეაბილიტაციის საინჟინრო-საპროექტო და სახარჯთაღრიცხვო დოკუმენტაციის შედეგის მომსახურების გაწევა. (CPV-71320000).
- 2.2 ხელშეკრულებით გათვალისწინებული საპროექტო სამუშაოების საპროექტო დავალება მოცემულია დანართ N1-ში, რომელიც წარმოადგენს წინამდებარე ხელშეკრულების განუყოფელ ნაწილს.

3. შესყიდვის ობიექტის მიღება-ჩაბარების წესი

ხელშეკრულებით გათვალისწინებული საპროექტო მოსახურების გაწევის შემდეგ ფორმდება მიღება-ჩაბარების აქტი, რომელშიც აღნიშნული უნდა იყოს მომსახურების დასახელება, ღირებულება, ჯამური თანხა, ხარისხობრივი შესაბამისობა ხელშეკრულების პირობებთან, ხელშეკრულების რეკვიზიტები, მიღება-ჩაბარების გაფორმების თარიღი და ადგილი. შემსყიდველის მხრიდან მიღება-ჩაბარების აქტის გაფორმებას განხორციელებს კომპანიის პროექტირების დეპარტამენტის წარმომადგენელი.

4. ანგარიშსწორების პირობები

- 4.1 მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.
- 4.2 დაფინანსების წყარო: შპს „საქართველოს გაერთიანებული წყალმომარაგების კომპანიის“ საკუთარი სახსრები.
- 4.3 ანგარიშსწორება განხორციელდება ფაქტიურად გაწეული მომსახურების მიხედვით ხელშეკრულებით გათვალისწინებული სამუშაოების საპროექტო დოკუმენტაციის წარმოდგენიდან და მიღება-ჩაბარების აქტისა და საგადასახადო ანგარიშ-ფაქტურის (დღგ-ს გადამხდელის შემთხვევაში) წარმოდგენიდან 20 (ოცი) კალენდარული დღის განმავლობაში, ექსპერტიზის დადებითი დასკვნის საფუძველზე ფაქტიურად გაწეული მომსახურების ღირებულების 90%-ის ოდენობით. (ავანსის შემთხვევაში ავანსად გადახდილი თანხის სრული დაქვითვით).

- 4.4 საბოლოო ანგარიშსწორება დარჩენილი 10%-ის ოდენობით განხორციელდება სატენდერო დოკუმენტაციის მომზადების ეტაპზე საპროექტო დოკუმენტაციის დადებითი შეფასებიდან და ტენდერის გამოცხადებიდან 10 კალენდარულ დღეში, მაგრამ არაუგვიანეს პროექტის მიღებიდან 1 წლის განმავლობაში.
- 4.5 მიმწოდებლის მოთხოვნის შესაბამისად „შემსყიდველი“ ავანსის სახით გადაუხდის „მიმწოდებელს“ სახელშეკრულებო თანხის 30%, ამავე თანხაზე საბანკო გარანტის წარმოდგენიდან 10 (ათი) საბანკო დღის ვადაში.

5. ფასები

- 5.1 შესყიდვის ობიექტის ფასი განისაზღვრება ლარებში.
- 5.2 შესყიდვის ობიექტის ღირებულება შეადგენს განსახორციელებელი სამშენებლო სამუშაოების ღირებულების 2%-ს, მაგრამ არაუმეტეს 80 000 (ოთხმოცი ათასი) ლარს. საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა ხარჯისა (მათ შორის ექსპერტიზის ხარჯი) და გადასახადის გათვალისწინებით.
- 5.3 ხელშეკრულების ზუსტი ღირებულება გამოითვლება ფაქტიურად გაწეული მომსახურების მიხედვით.
- 5.4 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

6. მომსახურების გაწევის პირობები

- 6.1 გათვალისწინებული საპროექტო მომსახურება უნდა შეესაბამებოდეს წინამდებარე ხელშეკრულების პირობებს და დანართი N1-ში მოცემულ ტექნიკურ მახასიათებლებს.
- 6.2 მიმწოდებლის მიერ ხელშეკრულებით გათვალისწინებული საპროექტო მომსახურება უნდა განხორციელდეს ხელშეკრულების გაფორმებიდან არაუგვიანეს 2013 წლის 31 ივნისისა.
- 6.3 პროექტის წარდგენა უნდა განხორციელდეს მიმწოდებლის ხარჯით შემსყიდველის მისამართზე: ქ. თბილისი, ვაჟა-ფშაველას გამზ. N768, შპს „საქართველოს გაერთიანებული წყალმომარაგების კომპანიის“ ცენტრალური ოფისი.
- 6.4 მიმწოდებელმა უნდა წარმოადგინოს პროექტის 4 (ოთხი) ეგზემპლარი ქართულ ენაზე და 1 (ერთი) ეგზემპლარი ინგლისურ ენაზე, ელექტრონული და ნაბეჭდი ფორმით, ასევე BOQ -ის ხარჯთაღრიცხვა.
- 6.5 მიმწოდებელი ვალდებულია მომზადებულ პროექტს საკუთარი ხარჯებით ჩატაროს ექსპერტიზა, (შემსყიდველი ორგანიზაცია იტოვებს უფლებას ჩატაროს ალტერნატიული ექსპერტიზა).
- 6.6 იმ შემთხვევაში, თუ სამუშაოების შესრულების პროცესში აღმოჩნდება საპროექტო-სახარჯთაღრიცხვო დოკუმენტაციით გათვალისწინებული დამატებითი სამუშაოების შესრულების აუცილებლობა ან არსებული დოკუმენტაციის კორექტირების აუცილებლობა, ამ დამატებით საპროექტო-სახარჯთაღრიცხვო დოკუმენტაციის შედეგენას მიმწოდებელი განახორციელებს ანაზღაურების გარეშე.

7. ხელშეკრულების შესრულების კონტროლი

- 7.1 შემსყიდველს ან მის წარმომადგენლებს (პროექტირების დეპარტამენტის უფლებამოსილი წარმომადგენლები) უფლება აქვთ განახორციელონ ტექნიკური კონტროლი, რათა დაწინაურებებით. შესაბამისობაში ხელშეკრულებით გათვალისწინებულ ტექნიკურ პირობებთან.
- 7.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა პირობებით.
- 7.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა, წუნდებული მომსახურების გამოსწორება.
- 7.4 მიმწოდებელის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ შპს „საქართველოს გაერთიანებული წყალმომარაგების კომპანიის“ უფლებამოსილი პირები.

8. ხელშეკრულებაში ცვლილებების შეტანა

- 8.1 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.
- 8.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 8.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით

გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის მოთხოვნათა გათვალისწინები.

9. უფლებების გადაცემა

მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

10. ხელშეკრულების პირობების შეუსრულებლობა

- 10.1 ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაევისრება პირგასამტებლოს გადახდა, - ყოველ ვადაგადაცილებულ დღეზე ხელშეკრულების ღირებულების 0.1%-ის ოდენობით.
- 10.2 იმ შემთხვევაში, თუ ვადების გადაცდენისათვის დაკისრებული პირგასამტებლოს ჯამური თანხა გადააჭარბებს ხელშეკრულების ღირებულების 3%-ს, შემსყიდველს უფლება აქვს ცალმხრივად შეწყვიტოს ხელშეკრულება.
- 10.3 საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11. ხელშეკრულების შეწყვეტა მისი პირობების შეუსრულებლობის გამო

- 11.1 შემსყიდველს უფლებამოსილია შეწყვიტოს ხელშეკრულება თუ:
- 11.1.1 მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია უზრუნველყოს საქანლის ან მისი ნაწილის მიწოდება;
- 11.1.2 მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.
- 11.1.3 შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- 11.1.4 მიმწოდებლის გაკოტრების შემთხვევაში;
- 11.1.5 საქართველოს კანონმდებლობით გათვალისწინებულ სხვა შემთხვევებში.

12. ფორს-მაჟორი

- 12.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 12.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლისა ან/და მომსახურების მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 12.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, 3 დღის ვადაში უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

13. სადათ საკითხების გადაწყვეტა

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ საქართველოს სასამართლოს მოქმედი კანონმდებლობის შესაბამისად.

14. გამოყენებული სამართალი

ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

- 15. ხელშეკრულების ენა**
 ხელშეკრულება დაწერილია ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.
- 16. შეტყობინება**
 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელ. ფოსტის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.
- 17. გადასახადები და დაბეგვრა**
17.1 უცხოელი მიმწოდებელი პასუხს აგებს საქონლის მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.
17.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულების სპეციფიკური პირობებით სხვა რამ არ არის გათვალისწინებული.
- 18. ხელშეკრულების მოქმედების ვადა**
 წინამდებარე ხელშეკრულება ძალაშია მასზე ხელმოწერის დღიდან და მოქმედებს 2014 წლის 30 აგვისტოს ჩათვლით.
- 19. სხვა პირობები**
19.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
19.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
19.3 ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
19.4 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

შემსყიდველი:

მიმწოდებელი:

სს „ხურო“
 იურ.მის: ქ.ქუთაისი, თამარ მეფის ქ. N92
 ტელ: 577406564
 სს „თი-ბი-სი ბანკი“,
 ქუთაისის ფილიალი
 კოდი: TBCBGE22
 ა/ა GE08TB0300000020467476
 ს/კ 212678397

დავით მელქაძე
 დირექტორი



შპს „საქართველოს გაერთიანებული
 წყალმომარაგების კომპნია“
 მის: ქ.თბილისი, ვაჟა-ფშაველა 76 ბ
 სს „ლიბერთი ბანკი“
 ცენტრალური ფილიალი
 კოდი: 220101480, LBRTGE22
 ა/ა N GE77LB0113123325230012
 ს/კ 412670097



ტექნიკური დავალება

პროექტის დასახელება: ქ. აბაშის წყალსადენი სისტემის სრული რეაბილიტაცია.

- განხორციელების სავარაუდო ვადა (პროექტირება, მშენებლობა): 12 თვე.
- სამშენებლო თანხა (სავარაუდო): 4 000 000 ლარი.
- მოსახლეობის რაოდენობა: 2580 ოჯახი, 6800 სული.
- საპროექტო მოსახლეობის რაოდენობა: 8500 სული.
- არსებული მდგომარეობა: ქ. აბაშის მოსახლეობის 90%-ს აქვს 24 საათიანი წყალმომარაგება, სათავე ნაგებობის საპროექტო წარმადობა, ამ ეტაზზე საკმარისია არსებული მოსახლეობის შეუფერხებელი წყალმომარაგების უზრუნველსაყოფად. მაგრამ, სატუმბო სადგურის, ჩამკეტ-მარეგულირებელი არმატურისა და ქსელის მოუწესრიგებლობის გამო, ქსელში ვერ იქმნება საკმარისი დაწნევა. შედეგად ქალაქის გარკვეულ უბნებს და კორპუსების მაღალ სართულებს წყალი ეწოდება დიდი შეფერხებით.
- დავალება საპროექტო სამუშაოების ჩასატარებლად:

 1. პროექტი წარმოდგენილი იქნას ქართულ და ინგლისურ ენებზე (4 ქართული და 1 ინგლისურენოვანი ვერსია)!
 2. პროექტის ელექტრონული ვერსია წარმოდგენილი იქნას როგორც საწყის სამუშაო პროგრამაში ასევე მისი PDF ვერსია.
 3. წარმოდგენილი იქნას დაწვრილებითი ტექნიკური სპეციპიკაციები.
 4. წარმოდგენილი იქნას წინასაპროექტო ანოტაცია ტექნიკურ-ეკონომიკური განვითარებით.
 5. განმარტებით ბარათში სავალდებულოა საპროექტო ტერიტორიალური ფართის მოკლე აღწერა. (ზღვის დონიდან აბსოლუტური ნიშნულის მითითებით).
 6. პროექტში გათვალისწინებული უნდა იყოს საკვლევ-საძიებო, ჰიდროლოგიური, საინჟინროგეოლოგიური და გეოდეზიური სამუშაოები.
 7. განხორციელდეს ტოპო გადაღება და პროფილების მიხედვით შედგეს სრული ჰიდრავლიკური ანგარიში.
 8. ჩატარდეს ტერიტორიის სრულფასოვანი გეოლოგიური კვლევა და წარმოდგენილი იქნას ანალიზური შედეგები.
 9. საჭიროების შემთხვევაში მოხდეს ქალაქის ზონირება შესაბამისი ნორმების დაცვით.
 10. ჩასატარებელი სამუშაოები დაიყოს ეტაპების რიგითობის მიხედვით.
 11. დაცულ იქნას ქვეყანაში მოქმედი კანონმდებლობით გათვალისწინებული გარემოს დაცვითი და სანიტარულ-ეპიდემიოლოგიური მოთხოვნები.
 12. დაცულ იქნას უსაფრთხოების ტექნიკის მოთხოვნები.
 13. საჭიროების შემთხვევაში შეთანხმებული იქნას განსახლების საკითხები.
 14. მოხდეს პროექტის წინასწარი შეთანხმება სახელმწიფო და კერძო ყველა დაინტერესებულ ორგანიზაციებთან.
 15. საინჟინრო შენობა-ნაგებობებისა და მიწისქვეშა მაგისტრალური მილსადენების დაგეგმარებისას გათვალისწინებული იქნას სეისმომედეგობა სეისმური ზონების მიხედვით.
 16. პროექტის განხორციელების არეალში არსებული კომპანიის კუთვნილი შენობა-ნაგებობების სრული რემონტი.

პროექტში სადაც მოსაწყობი იქნება ფოლადის მილსადენი პროექტანტს დაევალოს გაითვალისწინოს და პროექტში მიუთითოს ფოლადის მილი ქარხნული იზოლაციით.

შემსყიდველი:

შპს „საქართველოს გაერთიანებული წყალმომარაგების კომპანია“



მიმწოდებელი:

სს „ხურო“

